

ITLF BULLETIN

A Publication of ITLF Media & Publicity Department

VOLUME I-ISSUE NO 31

INDIGENOUS TRIBAL LEADERS' FORUM

TUESDAY 18 JULY 2023

Joint Public Interaction neih ani; MLA leh ITLF hotu ten report an pe

Nimin July 17 chawhma dar 11 khan YPA GHQ Hall, Hiangtam Lamka ah ITLF kaihhruainain Joint Public Interaction programme hman ani.

Rev Rulhlei Pakhumte an hun hlanna a nei a, Pu Chinngaihpa, Chairman, ITLF Steering Committee, in lawmthu a sawi. MLA te hnen atangin a indawtin, Pu Ngursanglur, Pu Chinlunthang leh Pu Letzamang ten report an pe. ITLF lam atangin Pu Muan Tombing, Secretary in Delhi zin report a pe baw.

Pu Ngursanglur, Tipaimukh Constituency MLA, chuan MLA ten home minister nen an in biak na atang chuan tribal te tan engemo tak political solution a om a rin thu a sawi a. Mipui te lungruak taka ka tan khawm a kan thawh ho zel angai anih thu a sawi baw.

Singngat MLA Pu Chinlunthang chuan Zo hnathlak MLA 10 ten lungruak taka ke khat a an din khawm theih nan forum pakhat siam anih thu a sawi a. May 3 a innghirngcho na a chhuah khan MLA te an buai zia thu te a sawi baw. Mipui te duhna hria a mi tam zawkte an rawn hnuah May 12 khan mipui duhdan angin Guwahati atangin "Total Separation from Manipur" tih demand an chhuah thu mipui te hnenah a hrilh. Hemi thuah hian Home Minister Amit Shah hnenah lehkhah May 15 khan an pe tih a tar lang baw.

Tin, May 17 khan BJP president, Pu JP Nadda hnenah 'Separate Administration for the Hill Peoples of Manipur' tih dilna an lo theh lut tawh a. May 17 khan Aizawl-ah CSO hrang hrang ITLF, ZC, HI, KIM, COTU, HTC, KCA leh a dang dang ten MLA te dilna Total Separation chu an pawmpui ani tih a sawi.

June 17 khan YMCA Hall, Greater Noida ah SoO groups, CSOs leh MLAs ten inbiakna an nei a, SoO group ten an demand hlui te an kal san tawh thu leh Total Separation from Manipur chu an demand anih tawh thu an puang.

Hemi ni atang hian SoO groups, MLAs leh CSOs ten demand pakhat neiin lungruak takin kan kal ani tih Pu Chinlunthang hian a sawi.

A sawi zel naah chuan Manipur government in kan MLA te showcase notice vawi hnih lai a pek toh thu sawi in, he notice hi kan MLA ten an pawisak loh thu mipui hriatah a tarlang.

Tin, kan buaina ah Mizoram sawrkar leh NGO ten kawng hrang hranga min puihna avangin lawmthu a sawi nghal baw. Kan hma a Parliament Session lo awm turah hian min tanpui thei tur MP hrang hrang te biak an tum thu leh hemi atan hian kan MLA te Delhi-ah an kal dawn ani tih a tar lang baw.

Henglep MLA Pu Letzamang hnen atangin thusawi ngaihthlak leh ani a. May 3 khan kan SoO group ten territorial council neih theih nan sawrkar laipui nen inremna siam an lo tum a, mahse kan buaina lo chhuah thut tak avangin inremna chu an siam thei ta lova, chunglam thiltih ani, a ti. Tunah a aia tha zawk 'Total Separation from Manipur' dil tlang theih kan awm ta. He buaina hian hun engemaw chen a la duh dawn avangin school pawh pawl 9 chin chunglam tal kai tir theih ni se. Tin, ei leh bar zawng tute ngaihtuahna avangin dawr hawn nite pawh tih tam theih ni se, a duh thu a sawi. Israelte Pathian betu kan ni a, a nin ral min hneh sak dawn ani, a ti.

ITLF Secretary Muan Tombing chuan Delhi a an zinna report pek a chhunzawm a, June 2 zan khan Delhi a inhmu turin sawmna an dawn thu a sawi a. NIA, RAW leh IB ten an koh ani ati. A sawi zel naah chuan, central sawrkar pawn Meitei nen kan buaina chungchangah hian thil kal hman dik tak an hre tawh tih a sawi.

Delhi ah IB Director Mandeep Singh leh interlocutor AK Mishra nen in biakna an nei a, short-term leh long-term a tih tur hrang hrang an sawi ho. 'Violence should come to an end' tih min sawi pui naah chuan Meitei lam hian min ron bei reng lo sela violence chu a tawp mai ang, tiin kan chhang, a ti.

Mitthi vui chungchangte, ral tlan dinhmunte, sawrkar silai lak chhuah pek let chungchangte, lo hna thawk ten an hna an chhunzawm theih dan turte leh NH-2 hawn chungchang sawrkar lam chuan an lo sawipui. Anih leh, Jiribam highway in hawng reng si in, engvang nge sawrkar hian NH-2 hi a buaipui viau? tih a kan zawh na chu, good gesture tih lanna mai ani tiin an chhang. Good gesture lan tir nan chuan kan mi man 5 te kan chhuah tawh alawm tiin kan palai ten an chhang let. Sawrkar lampang pawn an hre thiam hle.

Long-term chungchang chu political demand ani a, kan SoO group te nen in be lai in nilawmni, churang chuan

political demand hi chu kan SoO group te kutah kan dah ani, an ti. Amit Shah in rehabilitation atan cheng 101 crore a puan lailawk kha central government in tumah an la pe chhuak lo ani tih Pu Tombing a hian a sawi bawk.

Central sawrkar hian nangmahni (tribal) chhungah inremlohna neuh neuh a la om a ti a, chumi chhan nan chuan chhungkaw khatah poh unau an in rem reng thei hlei nem, nimahsela kan thil dil 'Total Separation from Manipur' erawh lungual takin kan pawmtlang, tiin kan palai ten an chhang.

MTFD (Delhi a tribal in zawmkhawm te) hmalakna fak tlak anih zia Pu Tombing hian a sawi a, hmabakah thawh ho na tur tam tak a la awm thu a sawi bawk. Guwahati a tlangmi welfare group hrang hrang ITLF palai ten an hmuh thu a sawi a, tlangmi officer ral tlan te in lamahrawn kir a district hrang hranga an department-a in report turin ngenna an siam. Kan inpumkhatna vawng renga tangrual turin mipui te a sawm hnuah, mi hrang hrang hnen atangin ngaihndan ngaihthlak ani bawk.

Rev Chinzathang-an tawngtai na hun a hman zawh hnuah programme tihtawp ani.

EDITORIAL

Lamka district chhungah tlangmi khawih issue hrang hrang a lo awm a hma la tur pawl mumal tak a din loh avangin hnam hrang hrang hruaitu ten ITLF hi an lo din ta a ni. ITLF hian nomenclature a kal pui lova, churang chuan tribal tih tawngkam hi hmangin Indigenous Tribal Leaders' Forum hming phuah ani.

April 19, 2023 khan Public Consultation meeting neih ani a, Forest Reserve chungchang leh issue dang thenkhat te chu ITLF in hma la rawh se, tiin mipui kalkawm te chuan an ngen. Hriat lawk hauh lovin May 3 khan buaina a chhuak ta a, ITLF chuan hma a la chhunzawm zel ta ani.

Indona hmachhawn mek kan nih avangin ITLF in chak zawka hma a lak theih nan ti in department hrang hrang - finance, relief, defense, media, women, legal, planning leh steering committee - a din a. Heng department ah te hian tribe hrang hrang, philanthropic

organization, student organization leh mi thahnem ngaite an tel.

Thla hnih vel kan buai th hnu hian tute emaw, mahni lan sarh tumna avangin 'keimahni hmalakna vang ani' tih tawngkam hriat tur lo awm te hian midangte hmalak ve na a ti thuanawp thei ani tih hria ila. 'Total Separation from Manipur' kan hmuh theih nan, a te ber atang a lian ber thlengin ram chhung leh ram pawn a awmte kan zavai hian mahni theihna zawn theuvah theih tawp kan chhuah ho vek ani tih I hre thar leh ang u.

Kan district chhungah ITLF in hma a lak na ah te hian theihtawp in I thlawp zel ang u. ITLF hmalakna ang chiah midangin an lo thawh ve hian an hun leh tha te an seng thlawp ani tih hria ila. ITLF kan thlawp duh lo anih pawhin a kalh zawngin che lo ila, kan movement hi a chak leh zual ang.

NGENNA: Chhungkaw bungbel hluihlawn mai tawh tur nei kan awm chuan YMA Hall, Hmuia Veng lamah han pe thei mai ila tiin nu leh pate kan ngen e. Relief camp kan enkawl mekah hian mamawh a ni.

Tin, YMA Hall-a duty-te thingpui leh hmeh man tur tlawmngaia tumsak thei kan awm a nih chuan lawm takin kan dawng thei reng e.

Sd/- President YMA Lamka Branch (8575897562), Secretary YMA Lamka Branch (9862198902)

UPDATE TILL 18 JULY 2023



114
CONFIRMED DEATHS



197
VILLAGES BURNED



7000+
HOUSES BURNED



359
CHURCHES BURNED



41425
DISPLACED PERSONS



204
RELIEF CAMPS

RELIEF SUPPORT

Office: ITLF Secretariat, Hiangtam Lamka

Contacts:

Mangcha Thangzom - 8837368373 (Convenor)

V. Gouthianmuan - 9862086583 (Co-Convenor)

FINANCIAL SUPPORT

Office: ITLF Secretariat, Hiangtam Lamka

ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch